



Hizkuntzentzako egiazko berdintasuna eskatuko du HBK Brusselan / 11



Furundarena: «Ez dut astirik soinu txikia jotzen ikasten hasteko» / 25



Maiz: «Finala itsustu egin zuen epailearen deskuidoak» / 23

EUSKALDUNON

Egunkaria

Asteartea, 1993ko martxoak 23 / IV. urtea / 711. zenbakia / Salneurria: 90 pta. / 5 libera

OSASUNA

Aldaketak EAEko arlo publikoan

EAEko osasun arlo publikora aldaketa garrantzitsuak ekarriko dituen Estrategi Plana aztergai izango du gaur Jaurilaritzako Gobernu Kontseiluak. / 10

Hegoaldeko arrantzaleek ere inportazioak salatu dituzte

Hego Euskal Herriko arrantzaleek Hego Amerikatik etorritako arrain inportazioak salatu dituzte eta, joan den astean Iparraldeko arrantzaleek egin zuten bezala, datozen egunotan mobilizazioak egingotekotan dira. Azken egunotan 12.000 tona bokarta txiki iritsi dira Hego Amerikatik Santurtziko portura. / 14

Parot Parisera eramateko eskaera oraindik ez du egin Frantziak

Unai Parot euskal preso politikoa Parisera Auzitegiaren eramateko eskaera ez diote egin oraindik Frantziako agintariek Espainiako Justiziari, Fungairiño Espainiako Entzutegi Nazionalako fiskalak jakinarazi zuten. Eskaera helduko balitz ere Parot Parisera eramatea ezinezkoa izango litzateke fiskalaren ustez. / 8

Filesak PSOE finantzatu egin zuela baieztu dute perituek

Filesa eta Time Export enpresen bitartez PSOE finantzatu egin zen, Marino Barbero epailearen aginduz alderdi sozialistaren agiriak aztertu dituzten perituen txostenak baieztatu duenez. Filesa eta Time Export enpresek jasotako mila milioi pezeta (50 milioi libera inguru) alderdi sozialistarentzat izan ziren. / 15

Ezkerra batzeko deia egin dute PS eta PSFk bigarren itzulirako

EMA-EB koalizioak eta EAK Iparraldeko botoen % 6,59 lortu dituzte bien artean

Eskuinaren garaipena eta PS-ren porrotaren ondoren, datorren igandeko bigarren itzuliari begira jarri dira Frantziako alderdi nagusiak. Alderdi sozialistak porrota onartu eta bigarren itzulian hautagai aurrerakoien alde bozkatzeko deia egin du, alderdi komunistak bezala. Eskuina alde nabarmenez izango da garaile datorren igandean, baina RPR eta UDFren arteko lehia bizia gerta

liteke zenbait hautes-barrutitan, lehen itzulian Chirac-en RPRk kendu dion aldea orekatzeko nahia agertu baitu UDFko Giscard d'Estaingek.

Ipar Euskal Herrian ere, espero bezala, eskuinak bildu zuen boto

gehien: RPRko Michel Intxauspe lehenengo itzulian aukeratu zuten barnealdean, eta RPRko Michele Alliot eta UDFko Alain Lamassoure Lapurdiko bi hautes-barrutietako hautetsiak izateko segitzeko egoera ezin ho-

bean daude.

Abertzaleek emaitza apalak izan zituzten: botoen % 5,43 lortu zituen EMA-EB koalizioak (Abertzaleen Batasuna), eta % 1,16 Eusko Alkartasunak. Frantziako bezala, Fronte Nazionalak gora egin zuen Iparraldean, eta hirugarren alderdi bilakatu da —eskuindarren eta sozialisten atzetik— botoen % 6,76rekin. / 4-7 eta 16-17

IPARRALDEKO hiru hauteskunde barrutietako emaitza zehatzak herriz herri / 6-7



Giro nahasia eta tentsioa Errusian

Tentsio handiko sasoia bizi dute Errusian, Boris Ieltsinek joan den larunbatean «gobernatzeko erregimen berezia» ezarri zuenetik. Auzitegi Konstituzionala Ieltsinen ebazpena aztertzen ari da —Auzitegiaren lehendakariak «estatu kolpe saiotzat» hartu zuen Ieltsinen jokoera—, Justizia ministroak dimisioa aurkeztu zuen eta Defentsa ministroak Armadan tentsio gero eta handiagoa bizi dela ohartarazi. Estatu Batuek, Europako Komunitateak eta Japoniak Errusiako lehendakariaren aldeko jarrera hartu dute. Bitartean, arratoiz bete da Mosku hiriburua: zenbait iturriren arabera, 15 milioi arratoi daude gaur egun 9 milioi bizilagun dituen Moskun. Kremlinek jauregiaren aurrean ageri dira bi arratoi argazkian. / 15

BESTERIK

P O L I T I K A

UPN bost puntu igoko da hauteskundeetan eta PSNk behera egingo du CIsen arabera / 9

G I Z A R T E A

Protesta ugari intsumiso bati Bizkaian egingo zaion lehenbiziko epaiketa dela eta / 12

Garoñako zentral nuklearra bi asterako gelditu dute / 13

K I R O L A

Askatuak eta Loiola Easo taldeek gaur egingo dute bilera Santano diputatuarekin / 21

K U L T U R A

Unibertsitate giroko bertso saioa Donostiako Ibaetan / 26

IÑAKI SALVADOR QUARTET TALDEAREN JAZZ KONTZERTUA GAUR LEZON / 24